

金剛經集注

[明]

朱棣

集注

一第

校点

有三十二相。而不脩三十二行。將焉自而得見法身如來。又
如來有是行。必有是相。故也。說相者。其意在於三十二行。即
相也。曰非相者。其法身之謂歟。華嚴經曰。諸佛法身不思議
已無形無影像。名三十二相。亦以是耳。豈它求哉。故如來有



齊魯書社

〔明〕朱棣集注 一苇校点

金剛經集注



是後三十二行上得之。世人
將焉自而得見法身如來。又
相省其意在於三十二行。即
嚴經曰。諸佛法身不思議
是耳。豈它求哉。故如來有
光滿與跟相稱。是為第七。
為第八。如來雙齊。書社摩膝
容。是為第十。如來毛孔。各一
髮毛。右旋宛轉。是為第十二。
為第十三。如來身皮。金色晃

图书在版编目(CIP)数据

金刚经集注/[明]朱棣集注;一苇校点. —济南:齐鲁书社,2007.7

ISBN 978-7-5333-1825-3

I. 金… II. ①朱… ②一… III. ①佛经 ②金刚经—注释 IV. B94

中国版本图书馆 CIP 数据核字(2007)第 070780 号

金刚经集注

[明]朱棣 集注

出版发行 齐鲁书社

社 址 济南经九路胜利大街 39 号

邮 编 250001

网 址 www.qlss.com.cn

电子邮箱 qlss@sdpress.com.cn

印 刷 山东新华印刷厂潍坊厂

开 本 635 × 965 mm 1/16

印 张 13.5

插 页 2

字 数 125 千

版 次 2007 年 7 月第 1 版

印 次 2007 年 7 月第 1 次印刷

标准书号 ISBN 978-7-5333-1825-3

定 价 18.00 元

御制金剛般若波羅蜜經集注序

朕惟佛道弘深精密，神妙感通，以慈悲利物，以智慧觉人，超万有而独尊，历旷劫而不坏，先天地而未见其始，后天地而未见其终。观之金剛般若波羅蜜經，盖可见矣！是經也，发三乘之奥旨，启万法之玄微。论不空之空，见无相之相。指明虚妄，即梦幻泡影而可知。推极根原，于我人众寿而可见。诚诸佛传心之秘，大乘阐道之宗，而群生明心见性之机括也。

夫一心之源，本自清淨，心随境转，妄念即生。如大虚起云，辄成障翳；如宝镜蒙尘，随韬光彩。由此逐缘而堕幻，安能返妄以归真？惟如来以无上正等正觉，发慈悲至愿，悯凡世之沉迷，念众生之冥昧，为说此經，大开方便。俾解粘而释缚，咸涤垢以离尘，出生死途，登菩提岸，转痴迷为智慧，去昏暗即光明，是經之功德广矣大矣。

虽然，法由心得，非經无以寓夫法；經以人传，非言无以著夫經。爰自唐宋以来，注释是經者无虑数千百家，虽众说悉加于剖析，而群言莫克于折衷。





朕夙钦大觉，仰慕真如，间阅诸编，选其至精至要经旨弗违者，重加纂辑，特命侵梓，用广流传。俾真言洞彻，秘义昭融，见之者如仰日月于中天，悟之者若探宝珠于沧海，岂不快哉，岂不伟哉！呜呼！善人良士，果能勤诚修习，虔礼受持，缘经以求法，因法以悟觉，即得灭无量罪愆，即得获最胜福田。证果人天，永臻快乐，功德所及，奚有涯涘哉！谨书为序，以示将来。

永乐二十一年四月十七日



御制金刚般若波罗蜜经集注序

朕惟佛道弘深精密，神妙感通，以慈悲利物，以智慧觉人，超万有而独尊，历旷劫而不坏，先天地而未见其始，后天地而未见其终。观之金刚般若波罗蜜经，盖可见矣！是经也，发三乘之奥旨，启万法之玄微。论不空之空，见无相之相。指明虚妄，即梦幻泡影而可知。推极根原，于我人众寿而可见。诚诸佛传心之秘，大乘阐道之宗，而群生明心见性之机括也。

夫一心之源，本自清静，心随境转，妄念即生。如大虚起云，辄成障翳；如宝镜蒙尘，随韬光彩。由此逐缘而堕幻，安能返妄以归真？惟如来以无上正等正觉，发慈悲至愿，悯凡世之沉迷，念众生之冥昧，为说此经，大开方便。俾解粘而释缚，咸涤垢以离尘，出生死途，登菩提岸，转痴迷为智慧，去昏暗即光明，是经之功德广矣大矣。

虽然，法由心得，非经无以寓夫法；经以人传，非言无以著夫经。爰自唐宋以来，注释是经者无虑数十百家，虽众说悉加于剖析，而群言莫克于折衷。





朕夙钦大觉，仰慕真如，间阅诸编，选其至精至要
经旨弗违者，重加纂辑，特命镌梓，用广流传。俾真言
洞彻，秘义昭融，见之者如仰日月于中天，悟之者若探
宝珠于沧海，岂不快哉，岂不伟哉！呜呼！善人良士，
果能勤诚修习，虔礼受持，缘经以求法，因法以悟觉，
即得灭无量罪愆，即得获最胜福田。证果人天，永臻
快乐，功德所及，奚有涯涘哉！谨书为序，以示将来。

永乐二十一年四月十七日



目 录

CONTENTS

目

录

1 御制金刚般若波罗蜜经集注序

1 金刚般若波罗蜜经

4 法会因由分第一

10 善现启请分第二

17 大乘正宗分第三

25 妙行无住分第四

37 如理实见分第五

41 正信希有分第六

49 无得无说分第七

53 依法出生分第八





61 一相无相分第九

70 庄严净土分第十

79 无为福胜分第十一

82 尊重正教分第十二

86 如法受持分第十三

96 离相寂灭分第十四

116 持经功德分第十五

125 能净业障分第十六

130 究竟无我分第十七

146 一体同观分第十八

155 法界通化分第十九

157 离色离相分第二十

160 非说所说分第二十一

164 无法可得分第二十二

166 净心行善分第二十三

170 福智无比分第二十四



173 化无所化分第二十五

177 法身非相分第二十六

181 无断无灭分第二十七

184 不受不贪分第二十八

187 威仪寂净分第二十九

190 一合理相分第三十

195 知见不生分第三十一

198 应化非真分第三十二

207 校点后记

目

录



金刚般若波罗蜜经

仙游翁集英曰 金刚者，金中精坚者也。刚生金中，百炼不销，取此坚利，能断坏万物。五金皆谓之金，凡止言金者，谓铁也。此言金刚，乃若刀剑之有钢铁耳，譬如智慧，能断绝贪嗔痴一切颠倒之见。般若者，梵语，梵语者，西方之语也。唐言智慧。唐言者，中国之言也。性体虚融，照用自在，故云般若。梵语波罗蜜，唐言到彼岸。欲到彼岸，须凭般若。此岸者，乃众平声生作业受苦生死轮回之地。彼岸者，谓诸佛菩萨究竟超脱清静安乐之地。凡夫即此岸，佛道即彼岸，一念恶即此岸，一念善即彼岸。六道如苦海，六道者，天、人、阿修罗、地狱、饿鬼、畜生。无舟而不能渡。以般若六度为舟航，度与渡同，六度见此陈雄解。渡六道之苦海。又西土俗语，凡作事了办，皆言到彼岸。经者，径也。此经乃学佛之径路也。

冲应真人周史卿 作杨亚夫真赞解





云：铁之为物，其生在矿，其成为铁。性刚而体不变，火王去声而器乃成，佛之所以喻金刚也。又因其兄看《圆觉经》，以书示之曰：古人有云：青青翠竹，总是真如。郁郁黄花，无非般若。真如与翠竹一体，盖无色声香味触法也六尘。般若与黄花一类，盖无见闻觉知也。

陈雄曰 波罗蜜有六，或布施，度悭贪。或持戒，度淫邪。或忍辱，度嗔恚。或精进，度懈怠。或禅定，度散乱。各占六度之一，唯一般若能生八万四千智慧，则六度兼该，万行俱备。是故如来以智慧力凿人我山，以智慧因取烦恼矿，以智慧火炼成佛性精金。夫植善根者，始而诵经，终而悟理，得坚固力，金刚是也；具大智慧，般若是也；度生死海，登菩提岸，波罗蜜是也。五祖大师常劝僧俗但持《金刚经》，即自见性成佛。六祖大师一夜听五祖说法，恰至应无所住而生其心，言下便悟，兹其所以为上乘顿教也欤。

颜丙曰 只这一卷经，六道含灵，一切性中，皆悉具足，盖为受身之后，妄为六根、眼耳鼻舌身意。六尘，色声香味触法。埋没此一段灵光，终日冥冥，不知不觉。故我佛生慈悲心，愿救一切众生齐超苦海，共证菩提，所以在舍卫国中为说是经大意，只是为人解粘去缚，直下明了自性，自性坚固，万劫不坏，如金性坚刚也。

李文会曰 金刚者，坚利之物，能破万物也。般若者，梵语也，唐言智慧，善破一切烦恼，转为妙用。波罗蜜者，梵语也，唐言到彼岸，不著诸相谓之彼岸，若著诸相谓之此岸。又云：心迷则此岸，心悟则彼岸。经者，径也，见性之



道路也。

川禅师曰 法不孤起，谁为安名。颂曰：摩诃大法王，无短亦无长。本来非皂白，随处现青黄。华发看朝艳，林雕逐晚霜。疾雷何太急，迅电亦非光。凡圣犹难测，龙天岂度量。古今人不识，权立号金刚。

姚秦三藏鸠摩罗什奉诏译





法会因由分第一

◎ 如是我闻：

王目休曰 是，此也。指此一经之所言也。我者，乃编集经者自谓，是阿难也。如是我闻者，如此经之所言，乃我亲闻之于佛也。弟子尝问佛云：他时编集经教，当如何起首？佛言：从如是我闻起。

李文会曰 如是我闻者，如来临涅槃日，阿难问曰：佛灭度后，一切经首初安何字？佛言：初安如是我闻，次显处所。是故傅大士云：如来涅槃日，娑罗双树间。阿难没忧海，悲恸不能前。优波初请问，经首立何言。佛教如是者，万代古今传。若以诸大宗师言之，如者，众生之性，万别千差，动静不一，无可比类，无可等伦。是者，只是众生性之别名，离性之外，更无别法。又云：法非有无，谓之如。皆是佛法，谓之是。



川禅师云 如是，古人道唤作如如，早是变了也。且道变向什么处去？咄，不得乱走！毕竟作么生道，火不曾烧你口。如如，明镜当台万象居。是是，水不离波波是水，镜水尘风不到时，应现无瑕照天地。我者，为性自在，强名之也。又云：身非有我，亦非无我，不二自在，名为真我。又云：净裸裸，赤洒洒，没可把。颂曰：我我，认著分明成两个，不动纤毫合本然，知音自有松风和。闻者，听闻也。经云：听非有闻，亦非无闻，了无取舍，名为真闻。又云：切忌随他去。颂曰：猿啼岭上，鹤唳林间。断云风卷，水激长湍。最爱晚秋霜午夜，一声新雁觉天寒。

◎ 一时，佛在舍卫国祇树给孤独园，

肇法师曰 一时者，说此般若时也。

李文会曰 一时者，谓说理契机感应道交之时也。

川禅师曰 一，相随来也。颂曰：一一，破二成三从此出，乾坤混沌未分前，已是一生参学毕。时，如鱼饮水，冷暖自知。颂曰：时时，清风明月镇相随，桃红李白蔷薇紫，问著东君总不知。

疏钞云 佛者，梵云婆伽婆，唐言佛。佛者，觉也。自觉觉他，觉圆满故，一切有情，咸具此道，悟者即名佛，迷者曰众生。

李文会曰 佛者梵音，唐言觉也。内觉无诸妄念，外觉不染六尘。又云：佛者，是教主也。非相而相，应身佛也。相而非相，报身佛也。非相非非相，法身佛也。





川禅师云 佛,无面目说是非汉。颂曰:小名悉达,长号释迦。度人无数,摄伏群邪。若言他是佛,自己却成魔。只把一枝无孔笛,为君吹起太平歌。

李文会曰 在者,所在之处也。

川禅师云 客来须看,不得放过,随后便打。颂曰:独坐一炉香,金文诵两行。可怜车马客,门外任他忙。

六祖曰 舍卫国者,波斯匿王所居之国。祇者,匿王太子祇陀,树是祇陀所施,故言祇树。

疏钞云 经云:舍卫国有一长者,名须达拏,常施孤独贫,故曰给孤独长者,因往王舍城中护弥长者家,为男求婚,见其家备设香花,云来旦请佛说法。须达闻之,心生惊怖。何也?须达本事外道,乍闻佛名,所以怕怖。至来日闻佛说法,心开意解,欲请佛归。佛许之,令须达先归家卜胜地。惟有祇陀太子有园,方广严洁。往白太子,太子戏曰:若布金满园,我当卖之。须达便归家运金,侧布八十顷园并满,是以太子更不复爱其金,同建精舍,请佛说法。曰祇树给孤独园。

李文会曰 舍卫国者,说经之处也。祇树者,祇陀太子所施之树。树,谓法林也。给孤独园者,给孤独长者所施之园,共建立之精舍也。

◎ 与大比丘众千二百五十人俱。

僧子荣 引《智度论》三卷云:如来临入涅槃时,告阿闍世王难言:十二部经,汝当流通。复告优波离言:



一切律戒，汝当受持。阿难闻佛付嘱，心没忧海。时，优波离尊者语阿难言：汝是守护佛法藏者，当问佛未来要事。于是优波离尊者同阿难往问世尊四条事：第一问：一切经首，当置何言？答曰：一切经首，当置如是。第二问：以何为师？答曰：以波罗提木叉，是汝大师，此云戒。第三问：依何而住？答曰：皆依四念处而住。四念者：一观心不净，二观受是苦，三观法性空，四观心无我。第四问：恶性车匿，如何共住？答曰：恶性比丘鼻丘，以梵檀治之，此云默摈。梵语梵檀者，犹中国言默摈。默摈者，正如黄鲁直云：万言万当，不如一默；百战百胜，不如一忍。摈者，敬而远之之意，此处恶性比丘之道也。如来于是付嘱言讫，在俱尸罗大城娑罗双树间，示般涅槃。阿难闻佛入涅槃，闷绝忧恼，不能前问四事。

王日休曰 梵语比丘，此云乞士，谓上乞法于诸佛，以明己之真性；下乞食于世人，以为世人种福。此所以名乞士也。大比丘则得道之深者，乃菩萨阿罗汉之类也。俱，谓同处也。所谓佛与此千二百五十人，同处于给孤独园中。

陈雄曰 比丘，今之僧是也。

李文会曰 比丘者，去恶取善，名小比丘。善恶俱遣，名大比丘也。若人悟达此理，即证阿罗汉位。能破六贼，小乘四果人也。

川禅师云 独掌不浪鸣。颂曰：巍巍堂堂，万法中王。三十二相，百千种光。圣凡瞻仰，外道归降。莫谓慈容难

